

篋

中

詞

仲脩有篋中詞今集之選始自國初迄於並世作者而以所爲  
夏堂詞一卷附焉刻於江寧屬爲校字是選與青浦王氏海鹽  
黃氏頗有異同旨隱辭微且出二家外其題詞名者从別集僅  
題名者从諸家選本第就篋中所存甄采百一布之四方以爲  
嚆引續有所得則仿補人補詞之例又宋曾慥樂府雅詞趙聞  
禮陽春白雪周密絕妙好詞皆以已作與諸家竝列仲脩猶前  
志也刻旣竟爰述其緣起如此壬午秋七月金壇馮煦

國朝二百餘年問學之業絕盛固陋之習蓋寡自六書九數經訓文辭篆隸之字開方之圖推究於漢以後唐以前者備矣至於填詞僕少學焉得本輒尋其所師好其所未言二十餘年而後寫定就所睹記題曰篋中其事爲大雅所笑其旨與凡人或殊容若竹垞而後且數變矣論具卷中不覩縷也李白溫岐文士爲之昇元靖康君王爲之將相大臣范仲淹辛弃疾爲之文學侍從蘇軾周邦彥爲之志士遺民王沂孫唐珣之徒皆作者也昔人之論賦曰懲一而勸百又曰曲終而奏雅麗淫麗則辨於用心無小非大皆曰立言惟詞亦有然矣譚獻敘光緒四年立秋日

篋中詞

今集一

仁和譚獻纂錄

吳偉業

浣谿沙

斷頰微紅眼半醒。背人幕地下階行。摘花高處賭身輕。  
細撥熏鑪香繚繞。嫩塗吟紙墨敲傾。慣猜閒事爲聰明。  
本色詞人語

滿江紅 蒜山懷古

沽酒南徐聽夜雨。江聲千尺。記當年阿童東下。佛狸深入。白面書生成底用。蕭郎裙屐偏輕敵。笑風流北府好談兵。參軍客。  
人事改。寒雲白。舊壘廢。神鴉集。儘沙沈浪洗。斷戈殘戟。落日樓

言一  
船鳴鐵鎖西風吹盡王侯宅任黃蘆苦竹打寒潮漁樵笛澀於稼軒

賀新郎

病中有感

萬事催華髮論龔生天年竟天高名難沒吾病難將醫藥治耿  
耿胸中熱血待灑向西風殘月剖卻心肝今置地問華佗解我  
腸千結追往恨倍淒咽故人慷慨多奇節爲當年沈吟不斷  
草閒偷活艾炙眉頭瓜噴鼻今日須難決絕早患苦重來千疊  
脫屣妻孥非易事竟一錢不值何須說人世幾完缺

熊文舉

南鄉子

秋色集飄櫓一帶傷心路渺茫記得郵亭曾繫馬斜陽人在紅

樓倦晚妝。往事隔星霜。門巷惜惜砌草荒。崔護重來應不改。  
淒涼。燕子呢喃話短長。

冀鼎孳

點絳脣 詠草用和靖韻

簾外河橋綠。圍裙帶無人主。繡轡行處。踏碎梨花雨。目送春  
山南浦。煙光莫牽春去。柔腸無數。蘇小門前路。

東風第一枝 春夜同秋嶽

鳳瑄排煙。驚笙沸月。歲華初到街鼓。柳絲約定歡期。花信吹開  
恨處。今宵酒淺。又勾引蝶翻蜂聚。近小窗紅雨。生生吹作一簾  
芳霧。飛豔縷。紫絨偷度。挑錦字。玉麟舊侶。遠山千疊銷魂畫。

屏一聯繡句東風力軟便逗起春愁無數趁踏青好賦閒情莫

遣少年空去

有調

薄倖

秋嶽將以病去湖上留飲寓齋命製一詞卽用其韻

碧簾風綰度早燕花橋月棧喜賽酒歌樓人在共試錦鐙春眼  
倚曉闌消瘦霽圍晴湖十里空絲管恨鳳佩星遙瓊筆屏隔不  
耐嘯鷺冷煖看麝粉經行處調馬路綺羅颺散待青回雙鬢  
香添半臂片帆吹送吳趨緩聚稀歡短勸煙篷彩纜多情莫負  
金尊滿江頭鼓角惱亂秦臺楚館

去國懷人日暮塗遠

趙進美

醉落魄

望月

木犀小院碧雲夜靜孤輪滿亂紅送影湘裙展六曲屏山翠幙  
深深卷翅塵韞薄苔痕軟畫樓咫尺清光遠水沉香盡歸仍  
嬌繡被人寒不共金鳧煖舳舻之夢

李雯

菩薩蠻

薔薇未洗燕支雨東風不合催人去心事兩朦朧玉簫春夢中  
斜陽芳草隔滿目傷心碧不語問青山青山響杜鵑公國之音

謁金門

紅葉

楓葉舞染出江空天暮隔岸燕支新雨墮小樓腸斷處  
亂紅秋露又被西風吹去翠裏拾來看幾度欲題無一語淒咽



鵲踏枝 落葉

慘碧愁黃無氣力。做盡秋聲。砌滿闌干側。疑是紗窗風雨入。斜陽又送樓鴉急。不比落花多愛惜。南北東西。自有人知得。昨夜小樓寒四壁。半堆金井霜華白。

客子畏人

鳳皇臺上憶吹簫

漏咽銅龍。風銷蠟燭。鳳醒來猶倚香篝。對雙鸞臨鏡。妝罷還羞。滿目青山畫裏。繫別緒。生怕凝眸。難消受。一庭芳草。懶上簾鉤。悠悠春風度也。看千萬垂楊。不繫扁舟。自吹簫人去。煙鎖雲稠。應念別時清淚。登臨處。回首江流。東風緊。落花飛絮。偏寫離愁。

當言  
未言

虞美人

春雨

廉纖斷送荼蘼架。衣潤籠香罷。鷓鴣啼處不開門。生怕落花時候近黃昏。豔陽慣被東君妒。吹雨無朝暮。絲絲只欲傍妝樓。卻作一江紅淚滿金篝。

九辨遺

又

惜春

蜂黃蝶粉依然在。無奈春風改。小窗微切玉玲瓏。千里行塵不。惜牡丹紅。西陵松柏知何處。目斷金椎路。無端花絮上簾鉤。飛下一天春恨滿皇州。

故國之思

浪淘沙

楊花

金縷曉風殘。素雪晴翻。爲誰飛上玉闌干。可惜章臺新雨後。踏

入沙閒。沾惹忒無端。亂撲征鞦一春幽夢綠萍陽暗處消魂

羅裏薄與淚偷彈

哀於墮惘

風流子

送春同芝麓

誰教春去也。人間恨何處問斜陽。見花褪殘紅。鶯捎濃綠。思量  
往事塵海茫茫。芳心謝錦梭。停舊織。麝月懶新妝。杜宇數聲尙  
餘驚夢碧闌三尺空倚愁腸。東君拋人易。回頭處猶是昔日  
池塘。留下長楊紫陌。付與誰行。想折柳聲中。吹來不盡落花影  
裏。舞去還香。難把一尊輕送。多少暄涼。

同病相憐

曹溶

薄倖題壁

綠楊絲綰勒馬處一程雲棧慢佇想安排此夜知入誰家淚眼  
試說與宿雨餐沙三秋禁斷閒簫管更止酒新盟攀花密祝青  
鬢恨人不煖向有限關河裏偏只見悲歡聚散記粉巾鴛字  
歌裏鳳縷尋思誤把歸期緩不干緣淺要迷蹤困影山尖海角  
填情滿自歡自惜莫負風亭月館

霓裳中序第一

鏡

繡囊冷雲輭古意何年讀秦篆餘昉昉冰心清淺伴羅薦春衫  
珠璫玉串凝愁不卷似新蟾樓側初轉怪生就影兒無幾終日  
向人滿消遣彩絲雙綰仗頻磨鉛華吹煖依然相對太遠況  
霜杵魂驚霖鈴路斷濃妝近來懶只描得長蛾一半菱花裏自

看妖冶卻勝薄情眼

沈著似  
盛唐詩

宋徵璧

醉花陰

豆蔻梢頭花半吐  
闌畔微微雨  
一炷水沈香  
六曲屏風人在深處  
綠紗窗外春鶯語  
密約防鸚鵡  
莫道不相思  
翠幙珠樓  
休放相思去

滿庭芳

寒食

雲覆銀塘風吹野葛盈疇  
麥浪芊綿  
王孫芳草惆悵已連天  
踏破牛羊上隴  
總埋沒舊恨新憐  
斜陽裏漫留華表回首一年年  
平田愁此日龍蛇禁火往事相傳  
但銅駝棘裏石馬墳邊霸

業已隨流水空遺痛血染唳鵑傷心客春城眺望極目灑寒煙

宋琬

浣溪沙

乍煖猶寒二月天玉樓長傍博山眠沈香火冷少人添殘雪  
纔消春鳥弄畫闌干外草芊絲幾時青得到郎邊

蝶戀花

旅月懷人

月去疏簾纔幾尺烏鵲驚飛一片傷心白萬里故人關塞隔南  
樓誰弄梅花笛蟋蟀望燈前欺病客清影徘徊欲睡何由得牆  
角芭蕉風瑟瑟生憎遮掩窗兒黑

憂

滿江紅

秋夜聞蟋蟀

試問哀蛩緣底事終宵嗚咽料得汝前生多是臣孤子孽青瑣  
闌邊纓絡艸碧紗窗外玲瓏月況兼他萬戶擣衣聲同淒切  
梧葉落西風冽蓮漏滴征鴻滅似杜鵑春怨年年唬血千里黃  
雲關塞客三秋紈扇長門妾背銀釭和淚共伊愁牀前說

宋徵輿

小重山

春流半繞鳳皇臺十年花月夜汎金桮玉簫嗚咽畫船開清風  
起移櫂上秦淮客夢五更回清砧迎塞雁渡江來景陽宮井  
斷蒼苔無人處秋雨落宮槐

踏莎行

錦幄銷香翠屏生霧妝成漫倚紗窗住一雙青雀到空庭梅花  
自落無人處 回首天涯歸期又誤羅衣不耐東風舞垂楊枝

上月華明可憐獨上銀牀去

何減  
馮韋

憶秦娥

楊花

黃金陌茫茫十里春雲白春雲白迷離滿眼江南江北 來時  
無奈珠簾隔去時著盡東風力東風力留他如夢送他如客

身世

可憐

浪淘沙令

秣陵秋旅

雁字起江干紅藕花殘月明昨夜照更闌酒醒忽驚秋色近回  
首長安 零落曉風寒鄉夢須還鳳城衰柳不堪攀木落秦淮



言一  
人欲去無限關山

縮本哀江南賦

蝶戀花

寶枕輕風秋夢薄紅斂雙蛾顛倒垂金雀新樣羅衣渾棄卻猶尋舊日春衫著偏是斷腸花不落人苦傷心鏡裏顏非昨曾誤當初青女約祇今霜夜思量著

排惻忠厚

玉樓春

燕

雕梁畫棟原無數不問主人隨意住紅襟惹盡百花香翠尾埽開三月雨半年別我歸何處相見如將離恨訴海棠枝上立多時飛向小橋西畔去

探喉而出

醉落魄

春閨風雨

無人到處未開紅杏先颺墜遠煙著樹生千縷掩映窗紗不見  
相思路落花難向金溝住一江紅淚流將去鷓鴣聲急催天  
暮料得黃昏枕底愁無數

綺羅香

落花

寒食煙銷清明霧冷一日便教春暮千里飛花目送滿天紅雨  
乍吹來深院珠簾又舞向小橋官渡血模糊萬點燕支杜鵑嘯  
盡行人路畫眉閣上窗開爲問緋桃濃李頓歸何處芳艸池  
中已被輕潮流去空自說薄倖天涯早斷送豔陽無數向殘英  
泣望東風夜深吹不住

王庭

暗香

漢口夜泊

半城落日噪昏鴉驚起垂天雲黑小艇泊來不住江南住江北  
黃鶴樓荒何在只十里煙波疑碧聽不到醉酒仙人樓上夜吹  
笛行客眠未得欲寄與暗懷難附飛翼停歌月出鸚鵡洲橫  
動寒色歷歷晴川草樹輕浪卷一江風急待曉發雞唱也滿帆

霜白

南渡樂章之與

王士正貽上行波詞

點絳脣

春詞和漱玉韻

水滿春塘柳絲又蘸黃金縷燕兒來去幾陳梨花雨情似黃  
絲歷亂難成緒凝眸處白蘋紅樹不見西洲路

源出小樂府

減字木蘭花

楊花和龔州韻

紗窗夢起極目玉關人萬里斜綰千條自古銷魂是灞橋春

陰不盡除卻殘鶯誰借問陌上樓前消得香闌幾日憐

嬋娟著眼

醉花陰

香闌小院閒清晝屈戌交銅獸幾日怯輕寒簫局香濃不覺春

光透韶光轉眼梅花後又催裁羅袖最怕日初長生受鶯花

打疊人消瘦

含供垂縮尙不墮入曲子

浣溪沙

出鎮淮門循小秦淮折而北陂岸起伏多態竹木蓊

鬱清流映帶人家多因水爲園亭榭谿塘幽窈而明瑟頗盡

四時之美拏小艇循河西北行林木盡處有橋宛然如垂虹

下飲於澗又如麗人靚妝絃服流照明鏡中所謂紅橋也游人登平山堂率至法海寺舍舟而陸徑必出紅橋下橋四面皆人家荷塘六七月閒菡萏作花香聞數里青簾白舫絡繹如織良謂勝游矣予數往來北郭必過紅橋顧而樂之登橋四望忽復裴回感歎當哀樂之交乘于中往往不能自喻其故王謝冶城之語景晏牛山之悲今之視昔亦有然邪壬寅季夏之望與蘄菴茶村伯璣諸子偶然濠舟酒闌興極援筆成小詞二章諸子倚而和之籜菴繼成一章予亦屬和嗟乎絲竹陶寫何必中年山水清音自成佳話予與諸子聚散不恆良會未易遭而紅橋之名或反因諸子而得傳於後世增

懷古憑弔者之裴回感歎如予今日未可知也

北郭青谿一帶流紅橋風物眼中秋綠楊城郭是揚州西望

雷塘何處是香魂零落使人愁淡煙芳艸舊迷樓

名貴

白鳥朱荷引畫橈垂楊影裏見紅橋欲尋往事已魂銷遙指

平山山外路斷鴻無數水迢迢新愁分付廣陵潮

風人之旨

山花子

秋閨

斗帳初垂懶卸頭任他紫棧減秦篝簾外銀河天似水數更籌

梧葉催蛩寒到枕花枝和月午當樓還似殘春寒食夜一般

愁

蝶戀花

和漱玉韻

涼夜沈沈花漏凍  
敲枕無眠漸聽荒雞動  
此際閒愁郎不共月  
移窗罅春寒重  
憶其錦衾無半縫  
郎似桐花妾似桐花  
鳳往

事迢迢徒入夢  
銀箏斷續連珠弄

梁陳深子

賀新郎

夜飲用蔣竹山韻

過雨花如繡  
正翠幃低垂四面  
繇英香透  
結客十年知己少  
何似銀箏翠袖  
莫須問濤飛山走  
且解金龜休作惡  
未傷神絲竹  
中年後空淚墮  
金城柳長安一雨分  
新舊更誰能望塵  
膝席爭名雞口  
高誓安期靈氣盡  
一望三山似阜  
但海水盡成醕酒  
鸚鵡武螺杯金不落  
問狂生得似公榮否  
休暫住握纂手

居然勝飲

吳兆騫

念奴嬌

家信至有感

牧羝沙磧待風鬟喚作雨  
工行雨不是垂虹亭子上  
休盼綠楊煙縷白葦燒殘  
黃榆吹落也算相思樹空  
題裂帛迢迢南北無據  
消受水驛山程鐙昏被冷  
夢裏偏叨絮兒女心腸英  
雄淚抵死偏縈離緒錦字  
闌中璫枝海上辛苦隨窮  
戍柴車冰雪七香金犢何  
處其氣不怯宜乎生還

李天馥

憶王孫

春望

妬春良夜愛春朝花外紅樓卷絳綃  
極目香塵舊板橋路迢迢  
不見歸鞦見柳條人意中語



鄒祇謨

祝英臺近

旅懷用商文毅韻

樹森森波綠森回首京華路無限離情遺數聲鳴櫓遙看一片  
黃雲雨行綠樹遮斷卻故鄉來處無情緒誰念寥落天涯杯  
酒和風雨夢去愁來消息渾無據便教兩字平安三千里外怎  
博得夜深私語

孔尚任

鴈鵠天

院靜廚寒睡起遲秣陵人老看花時城連曉雨枯陵樹紅帶春  
潮壞殿基傷往事寫新詞客愁鄉夢亂如絲不知煙水西村

舍燕子今年宿傍誰

哀於麥秀

曹貞吉

留客住

鷓鴣

瘴雲苦徧五溪沙  
明水碧聲聲不斷  
只勸行人休去  
行人今古如織  
正復何事關卿  
頻寄語空祠廢  
驛便征衫溼盡  
馬蹏難駐風更雨  
一髮中原杳無望  
處萬里炎荒遮莫  
摧殘毛羽記否  
越王春殿宮女如  
花祇今惟賸汝子  
規聲續想江深月  
黑低頭

臣甫

投荒念亂之感

玉樓春

春曉

薜蘿一翦城南路  
弱絮隨風亂如雨  
垂鞭常到日斜時  
送客每

逢腸斷處 悄悄門巷春將莫  
樹底鶯紅愁不語 畫梁燕子睡  
方濃落盡香泥卻飛去

警策

水龍吟

白蓮

平湖煙水微茫 箇人彷彿橫塘  
住碧雲乍起羽衣初試 靚妝楚  
楚露下三更月明千里 悄無尋處  
想蘆花蘋葉空濛 一色迷玉  
井峰頭路 莫是苧蘿未嫁 曳明璫  
若邪歸去 游仙夢杳 瑤天  
笙鶴淺波微步 宿鷺飛來 依稀難  
認 風吹一縷 汎木蘭舟小 輕  
綃掩映 問誰家女

瑤臺  
嬋娟

董俞

滿江紅

西湖感舊

繡幃春濃酒帘外青山無數還記得桃花滿院劉郎前度紅燭  
畫橈臨別酒碧簫殘雨相思路看韶光零落斷橋邊斜陽莫  
無限景煙中樹無限意風前絮對澄湖如鏡玉人何處豔影尙  
疑花欲笑麗情只有鶯能訴歎西陵松柏自年年風流誤

江皋

江神子

秋柳

幾枝疏樹近斜陽弄煙光漾橫塘最是西風南浦路淒涼樓上  
疑妝人不見春夢裏影微茫繫人愁處萬絲長絮飛狂燕飛  
忙記得門前曾控紫騮韁此日鬻支難鬪舞消瘦盡不堪量  
每作

一波恆  
三過折

陸世楷

綺羅香

春草

河畔波平山頭燒淨石髮沙痕齊吐一色萋萋遮斷天涯歸路  
清夢杳謝客西堂別魂黯江郎南浦望遙空碧映蒲帆離人時  
在綠楊渡倩誰傳語故國畱取薜蘿徑裏莫嫌遲莫客舍蒙  
茸只有青袍如故正芳時女伴同尋問舊日王孫何處縱鬟髻  
繫得東風怕聞鶯語

毛先舒

滿江紅

暮春柳

一片殘陽暝幾處河橋晴色問當日征衫別淚爲誰沾溼暮雨

半梳魂欲斷綠陰如幄愁無極減風流不似關雎支初相識  
章臺路春狼籍灞水岸煙斜織盼香塵依舊銅車金勒飛絮影  
隨風上下離人望斷江南北怕重來牘有亂蟬嘶千條碧

豐柔  
嬋嬋

水龍吟 一夜

恍然夢影樓臺花枝亂學宮鶯舞雲肩嬋著微紅澹綠慙慙眉  
嫵明月雕闌好風羅袖半飄香雨自空梁燕別春深不見絮簾  
外雙雙語想得非關此世飲瓊漿夙曾邀取如何一夜樹頭  
樹底殘英無主光景流波此身也是西陵坏土只鍾情無奈年  
華垂老越添淒楚

詩人  
之詞

沈謙

清平樂 羅帶

香羅曾寄小鳳盤雲膩要識春來畧更細剩得許多垂地 玉

鉤移孔難尋有時撚著沈吟蹤跡可知無定兩頭都結同心樂小

府遺意與俳詞祇  
隔一塵須嚴辨之

蘇幕遮 閨病

燕聲嬌花影碎日過窗西猶自厭厭睡一綫情絲常似醉九十

春光半擁鴛鴦被 靨銷紅眉斂翠便到沈身總是多情淚說

與東風都不會鏡子幫兒曉得人蕉萃

東風無力 南樓春望 自度曲

翠密紅疏節候乍過寒食燕衝簾鷺睨樹東風無力正斜陽樓

上獨憑闌萬里春愁直  
情思厭厭縱寫徧新詩  
難寄歸鴻雙翼玉簪恩  
金鈿約竟無消息但蒙  
天卷地是楊花不辨江  
南北

神似  
稼軒

一萼紅 春情

漫窺簾愛桃花萬樹新  
雨折紅緘近水無言隨  
風有恨敲斜直  
恁嬌態樓不穩畫梁雙  
燕爲營巢終日語呢喃  
似喜仍憂乍暄  
還冷情緒厭厭  
盡道西郊堪賞便倡條  
冶葉誰再沾黏淚豈  
因花病非中酒羞稱宋  
玉江淹生受盡孤眠況  
味眠又起真欲  
似春蠶忽見隔牆山影  
想殺眉尖

清平樂



雪消水溢柳岸金芽出漠漠暗塵紫寶瑟坐轉一窗紅日博

山香裊煙絲閒愁閒悶誰知欲解羅衣去睡黃鸝又上花枝出源

金

浪淘沙

彈淚溼流光悶倚回廊屏閒金鴨裊餘香有限青春無限事不

要思量只是輕心腸驀地悲傷別時言語總荒唐寒食清明

都過了難道端陽天

滿江紅燈

獨對銀釭聽街鼓不堪愁絕卻又是春陰陡暗晚風偏劣耿耿

未成虛枕夢搖搖轉覺空房怯鎮淒涼流淚溼黃昏花重疊

雲髻擁香肌。臂徒想像增嗚咽。怎照人歡會。照人離別。欲飭私書。還剔起。怕看孤影。將吹滅。卻纔餘一燄。解羅衣。翻成結。思

吳綺

浣溪沙

南浦輕煙蘸碧波。西泠油壁少經過。瑣窗獨自畫青蛾。淚點漸同花片落。情絲長似柳條多。鏡中金翠奈春何。

又

吳苑青苔鎖畫廊。漢宮垂柳映紅牆。教人愁殺是斜陽。天上無端催曉暮。人間何事有興亡。可憐燕子只尋常。

東風紅豆最下最傳似此

含悽古淡乃爲不負

佟世南

山花子

芳信無由覓彩鸞  
人閒天上見應難  
瑤瑟暗縈珠淚滿  
不堪彈  
枕上彩雲巫岫隔  
樓頭微雨杏花寒  
誰在暮煙殘照裏  
倚闌干  
不無天際輕金之感

顧貞觀

南洲子  
掃衣

噉喉夜鴻鳴葉滿階  
除欲二更一派西風吹不斷  
秋聲中有深  
闌萬里情  
廊上月華明  
廊下霜華結  
漸成今夜戍樓歸夢裏  
分明人在回廊曲處迎  
清空若試

雙雙燕

用史梅溪韻

單衣小立正秋雨  
槐花鬢絲吹冷鏡  
函如水長憶畫眉人並殘  
葉暗飄金井問燕子歸期未定傷心社日辭巢不是隔年雙影  
香徑芹泥猶潤只一縷紅絲誤他嬌俊幾多恩怨絮微杏梁  
煙暝傳語別來安穩待廿四番番風信那時重試清狂何放雕  
梁獨凭

石州慢

御河爲漕艘所阻

一月長河柰阻崎嶇玉京猶隔滿身風露夜寒誰問扣舷孤客  
不如歸去從教錦纜牙檣釣絲莫負秋江碧何事訪支機悔乘  
槎蹤跡淒絕無端閱徧戰壘遺屯郵亭敗壁只得幾行宮柳

似曾相識琵琶響斷那須月落回船曲終始下青衫滴曉鏡待

重看有霜華堪織

貧士失職

金縷曲

寄吳漢槎

季子平安否便歸來生平萬事那堪回首行路悠悠誰慰藉母  
老家貧子幼記不起從前杯酒魑魅搏人應見慣料輸他覆雨  
翻雲手水與雪周旋久淚痕莫滴牛衣透數天涯依然骨肉  
幾家能彀比似紅顏多薄命更不如今還有只絕塞苦寒難受  
廿載包胥承一諾盼烏頭馬角終相救置此札君懷袖  
我亦飄零久十年來深恩負盡死生師友宿昔齊名非忝竊試  
看杜陵消瘦曾不減夜郎僂僂薄命長辭知己別問人生到此

淒涼否千萬恨爲君剖 兄生辛未吾丁丑其些時冰霜摧折  
早衰蒲柳詞賦從今須少作留取心魂相守但願得河清人壽  
歸日急翻行成稟把空名料理傳身後言不盡觀頓首

使人增  
朋友之

重可以  
興矣

徐倬

金縷曲

中秋月食

碧海晶簾卷問姮娥清輝須惜浮雲須遣幾點憂時嫠婦淚迸  
作九霄露泣星影散漫空飛繭此夕風光猶較可忍來宵素魄  
留痕淺桂華蠹愁何展 斗邊一角銀河顯怨無端投壺笑巧  
南箕舌扁更怕寒芒分道出惱亂人間雞犬天上恨嬋娟難免

言一  
自有淩雲修月斧，柰瓊樓玉宇非專典。霓裳裏阿誰翦。

詞中杜陵此境

宋人未有遺山伯雨之流也

性德容若飲水詞

江城子

溼雲全壓數峰低，影淒迷。望中疑，非霧非煙，神女欲來時。若問生涯原是夢，除夢裏，沒人知。

浣谿沙

消息誰傳到，拒霜兩行斜。鴈碧天長晚，秋風景倍淒涼。銀蒜押籠人寂寂，玉釵敲竹信茫茫。黃花開也近重陽。

睡起惺忪強自支，綠傾蟬鬢下簾時。夜來愁損小鬢支。遠信

不歸空佇望幽期細數卻參差更兼何事耐尋思

記綰長條欲別難盈盈自此隔銀灣便無風雪也摧殘

青雀

幾時裁錦字玉蟲連夜翦春幡不禁辛苦況相關

腸斷班騅去未還繡屏深鎖鳳簫閒一春幽夢有無閒

逗雨

疏花濃澹改關心芳字淺深難不成風月轉摧殘

菩薩蠻

問君何事輕離別一年能幾團圓月楊柳乍如絲故園春盡時

春歸歸未得雨榠松花隔舊事逐寒潮唳鵲恨未消

催花未歇花奴鼓酒醒已見殘紅舞不忍覆餘觴臨風淚數行

粉香看又別空牘當時月月也異當時淒清照鬢絲



詞一  
去  
晶簾一片傷心白雲鬢香霧成遙隔無語問添衣桐陰月已西  
西風鳴絡緯不許愁人睡只是去年秋如何淚欲流  
烏絲畫作回文紙香煤暗蝕藏頭字箏鴈十三雙輸他作一行  
相看仍是客但道休相憶索性不還家落殘紅杏花

清平樂

風鬟雨鬢偏是來無準倦倚闌干看月暈容易語低香近軟  
風吹過窗紗心期便隔天涯從此傷春傷別黃昏只對梨花

秋千索

或作撥香灰云客若自度曲

藥闌攜手銷魂侶爭不記看承人處除向東風訴此情奈竟日  
春無語  
悠揚撲盡風前絮又百五韶光難駐滿地梨花似去

年卻多了廉纖雨

游絲斷續東風弱無一語半垂簾幙  
茜裏誰招曲檻邊弄一縷  
秋千索惜花人共殘春薄  
春欲盡纖罽如削新月纔堪照  
獨愁卻又照梨花落

浪淘沙

紅影溼幽窗瘦盡春光雨餘花外卻斜陽  
誰見薄衫低髻子抱  
膝思量莫道不淒涼  
早近持觴暗思何事斷人腸  
曾是向他春夢裏瞥遇回廊

河傳

春淺紅怨掩雙環微雨花閒晝閒無言暗將紅淚彈  
斜倚畫

屏思往事皆不是空作相思字記得當時垂柳絲花枝滿庭胡蝶兒

臨江仙

長記紗窗窗外語秋風吹送歸雅片帆從此寄天涯一鐙新睡覺思夢月初斜便是欲歸歸未得不如燕子還家春雲春水帶輕霞畫船人似月細雨落楊花

念奴嬌

廢園

片紅飛滅甚東風不語只催飄泊石上胭脂花上露誰與畫眉商略碧甃餅沈紫錢釵掩雀踏金鈴索韶華如夢爲尋好夢耽閑又是金粉空梁定巢燕子一口香泥落欲寫雲箋憑寄與

多少心情難託梅豆圓時柳絲飄處失記當初約斜陽冉冉斷

魂分付殘角

周稚圭曰或言納蘭容若南唐李重光後身也予

律小令則格高韻遠極纏綿婉約之致能使殘唐

墜緒絕而復續第其品格殆叔原方回之亞乎

臺城路 塞外七夕

白狼河北秋偏蚤星橋又迎河鼓清漏頻移微雲欲溼正是金  
風玉露兩眉愁聚待歸踏榆花那時纔訴只恐重逢明明相視  
更無語 人閒別離無數向堆筵瓜果碧天凝竚連理千花相  
思一葉畢竟隨風何處羈栖良苦算未抵空房冷香曉曙今夜  
天孫笑人愁似許

偏眞北  
宋慢詞

玉連環影

言一  
何處幾葉蕭蕭雨溼盡檐花花底人無語掩屏山玉鑪寒誰見  
兩眉愁聚倚闌干

蝶戀花

辛苦最憐天上月一昔如環昔昔都成玦若似月輪終皎潔不  
辭冰雪爲卿熱無那塵緣容易絕燕子依然軟踏簾鉤說唱  
罷秋曠愁未歇春叢認取雙棲蝶

眼底風光畱不住和煖和香又上雕鞍去欲倩煙絲遮別路垂  
楊那是相思樹惆悵玉顏成間阻何事東風不作繁華主斷  
帶依然畱乞句班駝一繫無尋處

又到綠楊曾折處不語垂鞭踏徧清秋路衰艸連天無意緒鴈

聲遠向蕭關去 不恨天涯行役苦只恨西風吹夢成今古明  
日客程還幾許霑衣況是新寒雨

蕭瑟蘭成看老去爲怕多情不作憐花句閣淚倚花愁不語暗  
香飄盡知何處 重到舊時明月路袖口香寒心比秋蓮苦休  
說生生花裏住惜花人去花無主

勢縱語咽淒澹無聊延  
已六一而後僅見淵真

臨江仙

寒柳

飛絮飛花何處是層冰積雪摧殘疏疏一樹五更寒愛他明月  
好憔悴也相關 最是絲絲搖落後轉教人憶春山前  
續難西風多少恨吹不散眉彎

帶得些兒前夜雪凍雲一樹垂垂東風回首不勝悲葉乾絲未

言一  
盡未死只顰眉 可憶紅泥亭子外纖綳舞困因誰如今寂寞  
待人歸明年依舊綠知否繫班騅

念奴嬌

楊花飛絮歎沈沈庭院春歸何許盡日黃塵飛綺陌迷卻夢游  
歸路世事悠悠生涯汎汎醉眼斜陽暮傷心怕問斷腸何處金  
鼓 夜雨月色如銀和衣高臥花影斜街度脈脈此情誰得識  
又道故人別去細數落花更闌未睡別是愁情緒聞人長歎西  
廊惟有鸚鵡

錢芳標

憶少年

小屏殘燭小窗殘雨小樓殘夢銖衣已煙散只蘅蕪香重  
錦瑟華年愁裏送便淒涼也無人共傷心白團扇畫秦娥簫鳳

出原

義

臨江仙

歷歷蘼離芳草徑重來卻是殘春春光無恙客愁新露桃花不  
見何況倚花人翠袖香微蟬鬢晚當年幾徧逡巡半篙谿水  
蹙魚鱗夕陽叉手處腸轉似車輪

適怨情和  
如聞錦瑟

雙雙燕

逢長安舊歌者

記休沐宴喚宣武門西蕊珠名部丁香坼後見慣白浮鳩舞  
悵飛雲散去似一枕鈞天欲曙誰知落拓逢伊又是江南春暮



無數青衫淚雨對榻畔茶煙鬢絲千縷烏衣殘照剩否翠衿  
雙語聞說華懷易主漸老卻玄都千樹贏得舊日何堪莫唱渭

城樂府

固是推行唐人  
正是詞家本色

水龍吟

詠螢

黃昏庭院無人何來幾點疏星墜未燒蘭燄乍移桃簾催將秋  
思巧入低穿銀牀漸冷銅鋪初閉向畫闌干畔齊紉試撲忽又  
逐牆陰起飄落溪頭山背也多情艸黏花綴狂蹤暗度朝來  
那管雨零風碎隨苑荒涼剩伊閱盡年光如水最無端賺得玉  
階長信瀉如鉛淚

當時貳臣倖  
進詞人刺之

薄倖

故衣

襖襦殘綫記鐙底春蔥緝徧向四角中央盤處認取柔腸輪轉  
恨寸絲難繫郎心空箱疊並班姬扇負冷試并刀香添斲艾多  
少深憐密眷到夢醒高唐後愁不稱沈香鬆慢枉熏籠珍重  
魚鰓鳳渴卷衣人比天猶遠淚分明濺待眠偎坐貼新絲縱輓  
休輕換摩挲半晌還怕繚綾易綻

取裁六朝樂府  
聲情亦有似矣

### 河傳

南浦薄暮水煙微女伴前褰未歸野棠風多紅漸稀飛飛故沾  
金縷衣 怊悵行人斷消息淚暗拭妬殺雙鴛比翼赤闌橋碧  
柳條蘭橈來須趁晚潮

### 齊天樂

楓溪夜泊

斜陽水廟停橈處依稀浪萍前度酒幔乘煙魚罾晚無恙浴  
禽眠樹溪童偶語陡觸發傷心亂絲如許越榜吳檣等閒斷送  
歲華去新蟾半鉤乍吐黯情懷不記綺窗眉嫵衝鼓催行和  
衣殢酒總把鳳衾耽誤章臺舊路恐玉合荒唐翠條非故羞照  
澄波驗秋霜幾縷

水龍吟

聞雁

乍晴紋簟涼多碎箏敲歇初更靜難成旅夢一尊閒對風簾鐙  
影隱隱高空數聲何處月微煙暝爲稻梁催去瀟湘千里蚤排  
箇銜蘆陣擬把江鄉書倩水湛湛遠灘楓冷倦翻聯翩夜寒  
應傍鴨闌漁艇塵滿鈿箏十三絃柱不堪重整記廿年前向秦

郵野泊有人同聽

神咏居然淮海

望海潮

和少游韻

窮桑一髮銀濤千仞義輪吐盡朝華徐福不歸成連徑去酸風  
亂點驚沙何處碾雲車有翠旂縹緲珠樹交加指點虛無箇中  
如覩織綃家荒墩又動金笳正煙將著草叢未成花樓蜃滅  
來汀鷗狎罷人事空嗟竿影壞壖斜繞三姑廟側叢荻神雅對  
此茫茫祇應沈醉是生涯

當作於海  
事定後

疏影

落照用白石韻

歸飛屬玉帶斷霞幾縷舟畔爭宿極望長河明滅中流湘娥儼  
映班竹羣峯紫翠交凝處一半隔煙江南北怕畫樓未放晶簾

賺出影單人獨 似綫天涯趁盡王孫尙何處  
萋草空綠自古  
無情冉冉西馳不管山邱華屋寒冰舊路  
虞淵薄莫再待比鄰  
吹曲暫挽留野寺殘紅勝拓郭熙千幅

彭孫適羨門延露詞

生查子

薄醉不成鄉轉覺春寒重鴛枕有誰同  
夜夜和愁共 夢好卻  
如眞事往翻如夢起立悄無言殘月生西弄

唐調

浣溪沙

客中小寒食作

客裏佳辰祇自憐白榆初改漢宮煙  
覆隄柳色正三眠 芳樹  
乍聞花氣息小樓幾見月團圓  
教人無奈暮春天

柳梢青

何事沈吟小窗斜日立徧春陰翠裏天寒青衫人老一樣傷心  
十年舊事重尋回首處山高水深雨點眉峯半分帶帶憔悴

而今

不嫌太盡

宴清都

螢火

四壁秋聲靜疏簾外幾點飛來破暝輕沾葉露暗棲花蕊亂翻  
銀井有時團扇驚回又巧坐人衣相映空自抱半晌微光願增  
照金樞景 幾番去倚深林來穿小幔高低不定隨風欲墮帶  
雨猶明流輝耿耿隨家宮苑何在腐草於今無片影向山堂日  
伴幽人琴書清冷

絕似中仙

臨江仙

遣信

青瑣餘煙猶在握幾年香冷巾簪此生爲客幾時休殷勤江上  
鯉清淚溼書郵欲向鏡中扶柳鬢鬢絲知爲誰秋春陰漠漠  
鎖層樓斜陽如弱水只管向西流

花心動

早秋客思

幾陳西風涼氣滿林下乍收殘暑極目江天蹴雪驚沙千里迢  
遙吳楚殷勤謝菜萸灣水爲儂好向秦谿去還恐怕關山重疊  
雙魚無據冉冉年光欲暮正思歸未得含情欲託待折疏華  
寄取一枝又遠隔層城路倚樓人聽斷腸聲驚秋客到傷心處

江南夢一曲瀟瀟暮雨

體素  
儲潔

踏莎行

鶯擲金梭柳拋翠縷盈盈嬌眼情難舉落花一夜嫁東風無情  
蜂蝶輕相許尺五樓臺秋千笑語青鞵溼透燕支雨流波千  
里送春歸棠梨開盡愁無主

觸緒無端

少年游

席上有贈

花底新聲尊前舊侶一醉盡生平司馬無家文鴛未嫁贏得是  
虛名當時顧曲朱樓上煙月十年更老我青袍誤人紅粉相  
對不勝情

自然湊泊

秦松齡

臨江仙

寒柳



言一  
向日風流今在否  
寒鴉宿處分明一灣殘  
照太無情  
照他憔悴  
了依舊下高城  
行處尙疑攀折盡  
西風客路頻驚樓頭翠管  
已無聲  
紫驕渾不顧嘶過玉河冰  
情景相副

蔣平階

更漏子  
無題

金錯刀銀蠟炬春夢半迷歸路彈別鶴怨南鴻琵琶憶漢宮  
白團扇遮羞面憔悴不堪重見青冢月鴈門霜相思欲斷腸  
落星灘唳暖樹今夜思君何處江月暗柳煙濃春山隔幾重  
千里夢孤舟送花落枕函誰共移翠曆約金環漏聲催曉寒  
菊花潭揚柳岸鄉思暗隨征雁敲玉枕解羅襦更闌鴈鷓鴣

三五月白如雪猶照長安宮闕花半落燕飛高東風恨未消

臨江仙

宮詞

禁苑花殘春殿閉玉階芳草萋萋露華空灑侍臣衣景陽鐘斷  
愁絕夢回時客裏杜鵑歸不去一春常自孤飛數聲嗁上萬  
年枝似將幽恨說與路人知

尤侗

踏莎行

獨上妝樓青山如昨畫眉彩筆春來閣休彈紅雨溼花梢淚珠  
自向心頭落可恨東風年年輕薄天涯不管人飄泊漫將薄  
倖比楊花楊花猶解穿羅幕

齊天樂

蟬

詞一

去

小園疏柳斜陽晚淒然數聲低喚吸露頻嘯迎風乍咽迸出哀  
絲急管宮商偷換和五夜寒蟄一天哀雁恨殺螳蜋驚回焦尾  
素絃斷當年齊女曾變故宮衰艸外何限秋怨羅袂無聲玉  
墀塵滿落葉幾番零亂餘音宛轉想動影低鬟妝殘簾卷杜老  
山妻夜飛人不見

水龍吟

楊花和東坡韻

卷簾但見飛花何時開起何時墜玉人如夢隨風游戲幾多愁  
思爲問章臺青青在否宮眉應閉剩蠻鴛解舞飄颻上下還學  
三眠三起分付雕梁燕子好銜將小巢縈綴謝孃纖手搓來

捏去團成復碎忽地傷心人關天上落花流水倩輕絲堪拭此  
中洗面只餘清淚似勝質夫

高詠

聲聲慢

柳

隋隄銷翠漢苑飄金  
曉斷高枝小繫青驄  
忽聽玉笛橫吹  
江南舊栽幾樹未攀  
條先已含悲  
重記取只當年張緒  
髣髴丰姿  
驀地東風披處  
永豐坊那優  
香細難支  
似媚還愁  
偷舒眠眼  
修眉催人鬢  
容易老是和煙  
經雨垂垂  
春占盡向紅亭  
又管別離感起隋隄漢苑  
便爾身世難堪

毛奇齡

南歌子

閨情

高屨宜牆窄長裘愛襦多風起動江波隔江風更急奈裘何

又 古意

茜染牆頭草烏飛陌上桑三十侍中郎自矜拖紫綬茜花香

鐵鑊生梁子銅樞種棗花楊柳正藏雅閉門春晝靜是誰家代

單調幾成絕響

南柯子

淮西客舍得陳敬止書有寄

驛館吹蘆葉都亭舞柘枝相逢風雪滿淮西記得去時殘燭照

征衣 曲水東流淺盤山北望迷長安書遠寄來稀又是一年

秋色到天涯

北宋句法

邱象隨

浣溪沙

紅橋懷古和阮亭

清淺雷塘水不流，幾聲寒笛畫成秋。  
紅橋猶是說揚州。五夜香昏殘月夢，  
六宮釵落曉風愁。多情煙樹戀迷樓。

鄧漢儀

小重山

金陵步芝麓韻

淮水橫拖柳綫柔，曾聞簫鼓夜美人游。  
一從好事斷香鉤，西窗月不何照梳頭。  
苦雨夏深秋，怎禁桐葉下一夏愁。  
寒潮依舊繞城流，無人處私倚闌江樓。

從李後主浪淘沙出

孫致彌

解連環

秋夜感舊

言一

三

豆花微雨傍半窗孤影做成酸楚枉怨悵春帶愁來怎解事秋  
風不吹愁去誰家方響細按徹雲藍小部正涼欺瘦骨尋思舊  
夢醉膏騰處歸舟字能認否只燒香汲井分明蟾虎悄記得  
茉莉香中伴玉漏聲沈冰肌無暑仙袂蟬紗暎澹月輕如綸絮  
怪姮娥不爲人圓看看四五

音堅脆

劉雷恆

念奴嬌

無題

早知離別悔當初一笑等閒心許自與雲英成間隔回首玉京  
迷路篋扇涼深機絲露溼冉冉三秋暮鈿蟬零落伊州一曲誰

鼓 就裏多少相思緘愁欲發祇欠歸鴻度寬夕清砧將遠夢  
分付月明來去小影熏香新詩斷帶觸著添離緒寄聲安否此  
情誰感鸚鵡

張台柱

念奴嬌

暮春

游絲裊裊繫殘春不住風吹欲絕不怨柳梢花卷盡但恨漫天  
如雪江北江南斷腸消息燕共鶯兒說盈盈一水人閒多少離  
別 樓外一抹輕雲慣將夢阻欲睡心先怯江漫淚珠流不去  
山斷離愁重接羞理殘妝燕支淺澹仗酒紅雙頰沈吟坐久畫  
屏飛上銀月

清麗



王

滿江紅

白門迎春

點破殘寒東風煖爲催春早聽深巷賣花聲亂繡簾妝曉金縷  
檀槽歌子夜松茵油壁迎蘇小看人忙如蝶苦消魂知多少  
年如舊人空老無情事多情惱歎六朝如夢又生芳草天自傷  
心天不語春惟有恨春難好願從今一洗可憐腸金尊倒

沈漢

江城子

新月

依微新月上簾櫳挂梧桐影朦朧萬里長天愁絕叫征鴻秋露  
又濃風又冷偏憔悴白芙蓉關河渺渺信難通恨難窮淚花

紅夢裏尋他何處是行蹤半掩畫屏山幾曲還錯認舊巫峯

姜光被

浣溪沙

十二峯前是妾家青牆宛轉曲闌斜暖風時放小桃花樓外  
朝雲疑夢裏門前春草接天涯妝成獨去浣谿沙

柯煜

西江月

趙元父體

珠箔誰家院宇彩旗是處秋千紅襟巧語落窗前好似對人珍  
重說春寒歸信已遲雁後新愁又到鶯邊綠楊和雨戛和煙  
記得去年曾繫木蘭船

隱中詞

金壇馮煦參校

篋中詞

今集二

仁和譚獻纂錄

朱彝尊錫鬯曝書亭詞

高陽臺

吳江葉元禮少日過流虹橋有女子在樓上見而慕之竟至病死氣方絕適元禮復過其門女之母以女臨終

之言告葉葉入哭女目始與友人爲作傳余紀以詞

橋影流虹湖光暎雪翠簾不卷春深一寸橫波斷腸人在樓陰

游絲不繫羊車住倩何人傳語青禽最難禁倚徧雕闌夢徧羅

衾重來已是朝雲散悵明珠佩冷紫玉煙沈前度桃花依然

開徧江潯鍾情怕到相思路盼長隄草盡紅心動愁吟碧落黃

泉兩處誰尋

遺山松雪所不能爲

言二  
桂殿秋

思往事渡江干青娥低映越山看共眠一舸聽秋雨小簾輕衾

各自寒

單調小令近世名家復振五代北宋之緒

賣花聲

雨花臺

衰柳白門灣潮打城還小長干接大長干歌板酒旗零落盡剩

有漁竿

秋草六朝寒花雨空壇更無人處一憑闌燕子斜陽

來又去如此江山

聲可裂竹

百字令

度居庸關

崇墉積翠望關門一綫似懸檐酒瘦馬登登愁徑滑何況新霜時候畫鼓無聲朱旗卷盡惟剩蕭蕭柳薄寒漸甚征袍明日添

又誰放十萬黃巾丸泥不閉直入車箱口十二園陵風雨暗  
響徧哀鴻離獸舊事驚心長塗望眼寂寞閒亭候當年鎖鑰重  
龍真是雞狗意深

又

爲曹使君題江南春思圖

平林縹緲望江南春色依依堪戀二水三山愁未了猶有參差  
宮殿十四樓空斜陽細柳繫馬誰家院傷心王謝舊來惟剩雙  
燕最憶一曲秦淮浮橋斷板卷飛花如霰目極寒雲千萬里  
吹起驚沙人面記取扁舟挂帆歸去料得長相見新愁幾許六  
朝芳艸吟徧

河傳

送米紫來入燕

南陌歸客紫騮驕水驛山椒路遙落花如雨煙外飄河橋折殘  
楊柳條別酒西堂官燭短紅玉盃醉也休辭滿漏聲催且排

徊一杯勸君更一杯

漸近自然

蝶戀花

重游晉祠題壁

十里浮嵐山近遠小雨初收最喜春沙軟又是天涯芳艸徧年  
年汾水看歸鴈繫馬青松猶在眼勝地重來暗記韶華變依  
舊紛紛涼月滿照人獨上谿橋畔

百字令

偶憶

橫街南巷記鈿車小小翠簾齊揭綠酒分曹人散後心事低回  
潛說蓮子湖頭枇杷花下綰就同心結明珠未斛朔風千里催

別 同是淪落天涯青青柳色爭忍先攀折紅浪香溫圍夜玉  
墮我懷中明月暮雨空歸秋河不動蚪箭丁丁咽十年一夢鬢  
絲今已如雪

有潛氣內  
轉之妙

蝶戀花

揚州早春同沈覃九賦

十里雷塘歌吹遠柳巷人家蘸水鵝黃淺游子春衣都未換  
車早已東城徧 妝冷罷遮蟬雀扇最恨微風不放珠簾卷斜  
露翠蛾剛半面心飛玉燕釵頭顫

吞吐  
離卽

臨江仙

葉甲齊開戛斂柳條欲起還沈一春閒望費沈吟酒旗風著力  
花事雨驚心 巷窄獨兒不吠樓高燕子難尋熏爐小篆疊重



言二  
三  
金綠陰猶未滿庭院已深深

風諭  
三昧

水龍吟

謁張子房祠

當年博浪金椎惜乎不中秦皇帝咸陽大索下邳亡命全身非  
易縱漢當興使韓成在何臣劉季算論功三傑封畱萬戶都未  
是平生意遺廟彭城故里有蒼落斷碑橫地千盤驛路滿山  
楓葉一灣河水滄海人歸圮橋石杳古牆空閉恨蕭蕭白髮經  
過墜涕向斜陽裏

何堪使漢  
吳輩聞之

金縷曲

初夏

誰在紗窗語是梁閒雙燕多愁惜春歸去早有田田新荷葉占  
斷板橋西路聽半部新添鼉鼓小白鶯紅都不見但惓惓門巷

吹香紫綠陰重已如許  花源豈是重來誤  
尚依然倚杏雕闌  笑桃朱戶隔院秋千看盡折過了幾番疏雨知永日簾錢何處  
午夢初回人定倦料無心宵到閒庭宇空搔首獨延佇

人才進退知己

難尋所感甚深

憶少年

飛花時節垂楊巷陌東風庭院重簾尚如昔但窺簾人遠  葉底歌鴛梁上燕一聲聲伴人幽怨相思了無益悔當初相見

春風裊娜

游絲

倩東君著力繫住韶華穿小徑濛濛沙正陰雲籠日難尋野馬輕颺染草細縮秋蛇燕蹴還低鶯銜忽酒惹卻黃鬚無數花縱

許悠揚度朱戶終愁人影隔窗紗  
惆悵謝娘池閣湘簾乍卷  
凝斜盼近拂檐牙疏籬寫短牆遮微風別院好景誰家紅袖招  
時偏隨羅扇玉鞭墮處又逐香車休憎輕薄笑多情似我春心  
不定又繞天涯層臺  
嬋媛  
暗香紅豆

凝珠吹黍似早梅乍夢新桐初乳莫是珊瑚零落敲殘石家樹  
記得雨中舊事金齒屐小撚蠻女向兩岸樹底盈盈擡素手摘  
新雨 延佇碧雲暮休逗入茜裘欲尋無處唱歌歸去先向綠  
窗飼鸚鵡悵悵檀郎路遠待寄與相思猶阻燭影下開玉合背  
人暗數纍纍如  
貫珠

綺羅香

和宋別駕牧仲詠螢

挾火難溫侵星易墜畱拂井梧檐樹傍牖依闌暗裏慣窺人住  
渾不辨鬢霧殘妝又何況轆塵纖步際新涼團扇初閒輕羅撲  
向小兒女 蕙蕤深鎖院靜攜照相思錦字練囊縫取憑仗微  
風方便更教飛去逗屋角蛛網圓絲避葉心豆花斜雨恣意向  
月黑池塘夜闌高下舞刺

秦樓月

吹笙

涼煙翠銀河激灩光垂地光垂地小樓一曲月華如水 排成  
鳳翅聲初遞聽殘鵝管君須記君須記風簾卷處那人雙髻

天仙子

惜春集句

何處相逢綠楊路

劉禹錫

萬疊春波起南浦

張泌

碧雲芳草兩依依

韋莊君莫訴

無名氏

相思苦

王勃

況是青春日將暮

李賀

昨夜東風還

入戶

元稹

燕子不歸花著雨

韓偓

今朝誰是拗花人

李賀

春已去

王建

畱不住

李夢

此地獨來空繞樹

張籍

陳維崧其年陳檢討詞

東風第一枝

踏青

檐溜纔停街泥乍浣花梢日影搖午陌頭霽景增妍水邊煙光  
添嫵茜衫笑檢憶春在謝橋深處正沿隄絮燕吟鶯吹滿一天  
風絮 籬杏糝紅飄塵土溪柳罨綠凝門戶畫完江左亭臺釀  
成花朝節序爲歡併日況漸偏韶光百五約鈿車來日重游又

聽小樓宵雨

滿江紅

贈顧梁汾

二十年前曾見汝寶釵樓下春二月銅街十里杏衫寵馬行處  
偏遭嬌鳥喚看時誰讓珠簾挂只沈畧今也不宜秋驚堪把

且給箇金門假好長就旗亭價記鑪煙扇影朝衣曾惹芍藥纔  
填妃子曲琵琶又聽商船話笑落花和淚一般多沾羅帕失職不平

夏初臨

本意

中酒心情折繇時節膏騰剛送春歸一畝池塘綠陰濃撲簾衣  
柳花攪亂晴暉更畫梁玉翦交飛販茶船重挑筍人忙山市成  
圍 驀然卻想三十年前銅駝恨積金谷人稀畫殘竹粉舊愁

寫向闌西。悵悵移時。鎮無聊。拍損薔薇。許誰知。細柳新蒲都付。

鵲唳

故家喬木  
語自不同

琵琶仙

聞門夜泊用白石韻

暝色官橋消盡了。帶雨綠帆。千葉驛口。夜火微紅。瓊簫正淒絕。  
記醉倚銅街喚馬。更閒凭畫樓聽鳩。無數前情。一番春恨。檣燕  
能說。只細數花草吳宮。除夢裏依稀舊時節。欲買韶光暫駐。  
待來春榆莢縱尙有。鴟夷一舸。怕難禁。伍潮堆雪。悔殺麝肌鴛。

衾那年輕別

亦似海上  
未靖時作

慶春澤

春影

已近花朝未過春社。小樓盡日沈沈。暝色連朝。江南倦客難禁。

門前綠水昏如夢粉雲遮失卻遙岑恁湔囊不到溪邊佳約空  
尋年時卻是鶯花候正黃歸柳靨紅入桃心舞扇歌衫參差  
十里園林東風吹纖絲絲滿做半寒半暖光陰問何時日上花  
梢細弄鳴禽尙有拙致頻  
伽不能爲

虞美人

無聊笑撚花枝說處處鶉鴝血好花須映好樓臺休傍秦關蜀  
棧戰場開倚樓寂寞添愁緒更對東風語好風休簸戰旗紅  
早送鱗魚如雪過江東

滿庭芳

宣德窯青花脂粉箱爲萊陽姜學在賦

龍德殿邊月華門內有萬枝鳳蠟熒煌六宮半夜齊起試新妝



詔賜口脂面藥花枝裊笑謝君王燒燹翠調鉛貯粉描畫兩鴛  
鴦當初溫室樹宮中事祕世上難詳但銅溝漲膩流出宮牆  
今日天家故物門攤賣冷市閒坊摩挲怯內人紅裏慟哭話昭

陽

與御香  
歌並美

水龍吟

白蓮

水明樓下相看涼荷一色瓏鬆地赤闌低壓綠裳輕蘸月明千  
里小苑梨花重門柳絮算來相似傍前汀白鷺幾番飛下尋不  
見迷花底無數弄珠人戲小酥娘水天閒倚明妝束素非關  
只愛把襪華洗爲怕秋來滿湖紅粉惹人憔悴拚年年玉貌江  
潭夜悄凝如鉛淚

摸魚子

聽白生琵琶

是誰家本師絕藝檀槽掐得如許半彎羅紗無情物惹我傷今  
弔古君何苦君不見青衫已是人遲暮江東煙樹縱不聽琵琶  
也應難覓珠淚有乾處淒然也似聽秋宵愁訴燈前一對兒  
女忽然涼瓦颯然飛千載老狐人語渾無據君不見澄心結綺  
皆塵土兩家後主爲一兩三聲也曾聽得撇卻故宮去拔奇本師長歌外之

錫鬯其年出而本朝詞派始成顧朱傷於碎陳厭其率流弊亦百年而漸變錫鬯情深其年筆重固後人所難到嘉慶以前爲二家牢籠者十居七八

嚴繩孫

南歌子

積潤初消砌輕陰尙覆城薔薇花外度流鶯卻道年來渾是不

勝情青鏡人如昨朱絃手盡生斷腸天氣舊池亭夢裏紅香

清露泣三更

能用重筆

雙調望江南

歌宛轉風日度江多柳帶結煙畱淺黛桃花如夢送橫波一覺

嬾雲窩曾幾日輕扇掩纖羅白髮黃金雙計拙綠陰青子一

春過歸去意如何

稼軒之神

風流子

荀郎多恨後魂銷盡依然見傾城正梅粉乍舒舊家門巷柳絲

斜彈別樣才情愛幾度玉釵寒撥火銀甲夜調箏斗帳珠瑩檀  
心偷展鳳燈香地花睡難成無端歸去也人何處夢裏應喚  
卿卿空記鵝兒酒煖杏子衫輕怕汕壁西陵雨倂風慙豔船南  
浦綠怨紅驚恁日垂楊深處重聽流鶯

孫枝蔚

臨江仙

春到揚州人又去獨看東閣梅花高樓何處弄琵琶不知人意  
嬾空自鬪絲華帶雨蚤潮何太急望中離恨無涯孤舟明日  
聽嘯雅多情江上客不獨爲思家

岸

李良年

柳梢青

懷友人在白下

春事閒探日斜風細葉葉輕帆燕子來時梅花落盡人在江南  
晚來何處停驂攜手地主孫舊請白下殘鐘青溪遠笛今夜  
難堪

暗香

綠夢梅

春纔幾日蚤數枝開徧笑他紅白仙徑曾逢萼綠華來記相識  
修竹天寒翠倚翻認了暗侵落色縱一片月底難尋微暈怎消  
得脈脈清露溼便靜掩簾衣夜香難隔吳根舊宅籬角無言  
照淡側只有樓邊易墮又何處短亭風笛歸路杳但夢繞銅坑

斷碧

白石故  
幽勝

疏影

秋柳

旗亭隴首正新霜乍點斜日風驟一片秋聲幾樹蕭疏驚心十里津埃行人欲折還教佳爲記得別離時候灑渭城朝雨如煙曾向畫橋分手何處無情玉笛忍教一夜裏飛墮江口繫馬無人認取寒枝惟有晚雅依舊相思最是鴛鴦渡應漸冷碧紗窗隔縱待得來歲春還只恐那人消瘦

澠處可味

蝶戀花

渡口

暎水藤邊絲萬縷進事驚心柳下斜陽路渡口蒹葭曾小住年年別有流紅聚燕也移巢誰可語指點分明翻似無憑據鏡檻梨花留一樹春風又到憑闌處

珠玉六一

李符

疏影

帆影

雙橈且住趁風旌五兩挂席吹去側浸紋波一片橫斜不礙招  
來鷗鷺忽遮紅日江樓暗只認是涼雲飛度待翠蛾簾底憑看  
已過數重煙浦搖漾東西不定乍眠碧草上旋入高樹荻渚  
楓灣宛轉隨人消盡斜陽今古有時淡月依稀見總添得客懷  
淒楚夢醒來雨急潮渾倚榜又無尋處

情恍迷離意有所  
指絕似六朝賦手

吳棠楨

滿庭芳

紅樹藏雅白蘋曉雁西風吹就輕寒小橋流水鎮日凭闌干當

日香隄載酒倡樓女迎下雕鞦冰簾內琴聲三疊燈影落花殘  
前歡何處是多情雙鬢白到潘安便重重書札難慰加餐井  
上梧桐又墮深閨夢定問刀環消魂也斷煙新月夜夜葦蘿山

哀玉  
之音  
又春游

蘼蘼含煙海棠籠霧一行春樹呢鶯畫船雙槳天氣近清明燕  
蹴飛花紅雨東風急吹過高城香煙裏誰家少婦樓上洞簫聲  
生平買醉處放舟彭蠡走馬金陵有美人憐我珠幔逢迎十  
載紫雲舊曲聽歌館譜入銀箏徘徊久半村日午天淡遠山青  
薄倖



辛夷樓外春睡起花梢日在正嬌眼乍開還倦風動合歡囊帶  
想昨宵明滅銀鐙郎來夢裏人無奈且官柳描眉聖檀畫額小  
立鏡邊多態偷閒到春池畔卻又被蝶喚鶯怪憶金鈿鬪草  
玉笙吹月錦屏舊日同歡愛病因誰害自琴心一許人前來往  
翻多礙露濃鞦韆滑猶摘櫻桃斜戴

錢穀

千秋歲

春愁和湘真韻

鶯聲初弄小閣東風送纔憶起春山重蘭膏畱玉佩柔陌停絲  
鞦憐去路香泥應染鞦頭鳳嬾把金卮奉且著晶簾擁無限  
恨千秋共幽篁帝子淚青艸明妃冢同寂寂昔時紅粉今時夢

沈豐垣

江城子

秋夜

西風蕭颯做殘秋。動簾鉤。冷颼颼。雨點眉兒，藏得許多愁。縱使  
儂如清夜月，能幾度，到妝樓。

浪淘沙令

春色恁怱怱。蝶亂花狂。長隄獨立對斜陽。一片無情芳草地，偏  
費思量。何處認歸航。水與山長。碧雲小閣隱垂楊。吹過東風  
簾不卷，飛絮茫茫。

春冷卻如秋。鴛怯歌喉。小園芳徑草初柔。風裏落花花裏淚，一  
樣難收。長日自多愁。怕上簾鉤。輕煙薄霧黯紅樓。誰信碧闌

干外立曾照梳頭

玉樓春

早烏曉起銀蟾落錦帳香寒春意薄天涯路遠幾曾經莫怪夢  
中常是錯起來小婢催梳掠拈著青絲心緒惡無情鏡子不  
隣人暗把紅顏都換卻

韶光九十今餘幾坊曲悄悄飛燕子獨憐春草不成花看盡晚  
雲都做水綠江千里魚沈字永日香銷簾幕閉鏡中不見舞  
鸞人試問東風多少淚

蝶戀花

纔得相逢春已暮眼際眉邊只是無情緒怪底窺人鴛不語綠

楊枝上微微雨 著意尋春春又去 春在天涯人卻歸 何處一  
望青青迷遠樹 夕陽偏照長亭路

木蘭花慢

別意

慣銷沈歲月 離別意 兩相關 奈葉落銀牀 燕辭翠幙 風景初寒  
無端又蛩吟響 惹離人 愁緒積千般 畫碎檀香小 几低回 細數  
前歡 花閒笑 整綠雲鬟 人靜掩屏山 證深盟 只指風姨婉轉  
月姊團圓 難拚自輕分後 漫空留羅袖 淚痕斑 誰在暮煙影裏  
紅樓寂寞憑闌

賀新郎

不放春光去 仗樓前 千株暗柳 片時遮住 無奈東風吹偏緊 誰

惜茫茫飛絮都只管亂拋行路春太難留人易老怪銷魂橋畔  
銷魂樹空惹得淚如雨一春不合因愁誤縱而今賞花醉酒  
也傷遲暮枝上流鶯花間蝶記起舊時歌舞奈密約終成閒阻  
倚枕分明春又在一絲絲夢裏黃金縷燈再翦夜三鼓沈遘駿  
麗探源淮海方回所謂層臺緩步高謝風塵有竟體芳蘭  
之妙蘭思詞未見其全從隋京少子宣二選甄錄八閨

沈岸登

采桑子

桃花馬首桃花放小雨初收草綠山郵春色年年獨自愁東  
風一帶河橋柳柳外朱樓不上簾鉤定有愁人樓上頭

珍珠簾

簾

綠筠翦取煙江畔。依然是帝子。嘑痕紅染。細節理千絲。愛玉鉤  
長綰。象篋犀釘初上了。勝一片湘雲。纖輓深院。更白珠連綴翠  
羽橫卷。最怕陌上鈿車被春風搖曳。暗藏人面。怱悵碧紋迴  
有冷波吹練。鎮日珊瑚慵不起。便串斷蜻蜓。誰管銀蒜休誤了  
歸來畫梁雙燕。

漸開常  
州一派

### 浣溪沙

自在珠簾不上鉤。篆煙微潤偏香篝。薄羅衫子疊春愁。乳燕  
寒深渾不語。落花風定也難收。謝娘且莫倚西樓。

比興  
溫厚

### 沈季友

夢芙蓉

寒月

九秋悲素魄，更關情。何況冷光如滴，紅香消盡。殘夜少眠，客魂寒鸞影。隻桂宮誰問。消息東風，玉斜枝、傷鉤闌四角。點點碎陰，溼寒鸞影。隻桂宮誰問。消息東風，玉斜枝、傷鉤闌四角。點點碎陰，溼寒鸞影。隻桂宮誰問。消息東風，玉斜枝、傷鉤闌四角。點點碎陰，溼寒鸞影。

瑟倚風空

已算到江樓有相思人遠同此一

翼翔麟

南浦

春水用玉田韻

人柳乍三眠。聽流澌、廢苑春光纔曉。臘雪未全消，寒沙外半舊苔痕。誰埽。東風幾日，鴨頭新漲，冰錢小。是處翠波通短櫂。冷浸六朝芳草。朱闌幾曲，斜臨影弓弓十里香蹤，不了漂出落花。

多虹橋口曾有浣衣人到遙峰縹緲露蟬飛下游人悄道是新  
煙未禁燈舫秦淮還少

南宋  
本色

王允持

解連環

亂帆零雨對清尊激灩緩歌金縷便醉裏暫解離愁奈燈暗酒  
醒兩眉還聚寂寞芙蓉但回首露汀煙渚聽琵琶水面宛轉玉  
人枕畔私語無端頓成闌阻望關河浩渺有恨誰訴縱解寄  
千里相思怕回雁峰頭峭難飛度天末羈魂夢不到綠窗朱戶  
情西風一時吹轉暮雲斷處

斂抑  
斷續

沈崑



鎖窗寒

借廬夜雨

雨細吹絲風輕響葉夜寒如此圍香小閣消受鳳衾鴛被恁而  
今禪榻夢回鬢絲微颺茶煙裏柰一繩鴈影斜飛點點又成心  
字彈指殘秋意算瘦柳藏雅也飄空翠多情老去況客絲華  
勝地問五湖恁日移家水雲挂席應早計待歸來底事歸遲酒  
醒重門閉

觸緒幽咽

梁佩蘭

山花子

湘妃廟

水闊瀟湘見二妃江空露下少人知一望渚煙迷到處暗靈旗  
太息雅琴成絕調並彈瑤瑟寄相思柰有九峰遙對起至今

疑

善學唐人

錢肇修

滿庭芳

酥雨澆花煖雲蔭草小庭春晝遲遲青桐么鳳高下逐花飛綺  
閣重簾乍卷鶯聲巧催喚紅兒有人伴玉臺梳洗學畫遠山眉  
徘徊重對鏡試拈珠翠耐可相宜料熏爐初徙香染羅衣蛺  
蝶飛來雲鬢釵梁上顫動紅絲閒凝望凭闌未久斜日墜樓西  
遲遲春晝未久日斜鶯聲  
蝶影轉眸皆非此危辭也

魏坤

摸魚子

清明

禁煙時賣餠天氣惜春人在花圃曉窗纔放些晴意又恐惹東  
風妬愁觸緒盼寂寂空梁舊燕新來去挑門何處記挑菜歸時  
踏青散後零落斷魂句凭闌倦眼底鄉關幾樹夕陽一片凝  
竚春山只隔蘼蕪影渺渺江流如許渾不語望不見春隄絲柳  
香車路小樓獨住儘數徧昏雅薄寒料峭臥聽杏花雨

遠懷  
如訴

徐瑤

惜紅衣

擬夢窗

雲母屏前湘妃簾後晚寒慵繡驀地傷心修蛾一痕皺閒階輕  
步曾乍遇悄攜纖手波瀾無語暗憐爲新來消瘦香雲散久  
玉碎花殘春情已非舊惟教驗取羅袖盡湮透待寫別來愁思

寄與斷魂知否問甚時還許十二玉樓重叩尤展成云情恍惚離得神光離合之

杜詔

杏花天

柳絲風翦青旗颭吹偏了杏花邨店滿浮蠟綠猩紅慘怕是花  
濃酒醺霞頰暈朱脣乍點煙鬢溼粉痕猶斂尋春那抱傷春  
怨約略疏香小豔側豔正宗

張梁

西子妝和珠巖兄聽雨次倚平韻兼憶秋田紫綸之作

泡翠窗深唳紅徑悄數日清觴慵舉騷騷屑屑易黃昏對孤檠

恍疑新旅閒愁幾許似吹動一襟芳絮染吟豪悵風流雲散重  
逢今雨 良朋去艸色天涯雁足渾無據寂寥花館遠鐘寒有  
誰憐鬢絲千縷飛飛倦羽尙回首香叢深處攪離懷不那梧桐  
一樹徘徊婉約  
一往而深

徐逢吉

霓裳中序第一 旅舍送春

纔看過寒食滿眼溪山又凝碧聽取乳鶯聲澀把故國風光年  
年拋擲朱顏可惜攬摘芳香怎畱得傷心似明妃遠嫁紅袖偷  
淚滴 飄泊吳南燕北水雲寬總沒消息何人憐我岑寂小院  
秋千高樓吹笛離魂悄難覓東風緊孤帆落日蒼茫裏五湖煙

浪著此送春客

關亂不亂

鴈鶚

齊天樂

吳山望隔江霽雪

瘦筇如喚登臨去江平雪晴風小溼粉樓臺釀寒城闕不見春  
紅吹到微茫越嶠但半沍雲根半銷沙草爲問鷗邊而今可有  
晉時權 清愁幾番自遣故人稀笑語相憶多少寂寂寥寥朝  
朝莫莫吟得梅花俱惱將花插帽向第一峰頭倚空長嘯忽展  
斜陽玉龍天際繞

頓挫跌宕

百字令

丁酉清明

春光老去恨年年心事春能拘管永日空園雙燕語折盡柳條

長短白眼看天青袍似草最覺當歌嬾惜惜門巷落花早又吹  
滿 凝想煙月當時飭簫舊市慣逐嬉春伴一自笑桃人去後  
幾葉碧雲深淺亂擲榆錢細垂桐乳尙惹游絲轉望中何處那  
堪天遠山遠忍俊不禁  
疏影湖上見柳影

輕陰冉冉正嫩苔弄碧庭宇深掩千縷柔魂搖蕩如煙無端忽  
度闌檻章臺路暗人歸處看足了斜陽濃淡又幾痕水際低窺  
近日楚畹全減 依約勻梳月底亂雲鋪滿徑籠住文簾欲結  
同心空試萸苗作就三分淒黯寒添白袷清明後埽不盡隨風  
微斂最鏡中再寫秋疏記得踏枝雅點

揚州慢

廣陵句藥

疏雨催妍穉寒凝態天涯相見魂銷問春歸幾日未盡減春韶  
算亭北新妝老去不多風露暗展輕綃送杯中婪尾香心欲話  
無聊 雅黃初試記當年曾識煙苗柰月魄低籠雲階斜倚夢  
到迢迢除卻謝郎俊句無人與淺黛深描想難禁攜贈離情都  
在紅橋

縹緲之音

賣花聲

徐翩翩畫扇自稱金陵蕩子婦

花月秣陵秋十四妝樓青溪迴抱板橋頭舊日徐娘無覓處芳  
草生愁 金粉一時休團扇誰畱殢人只是小銀鈎句尾可憐  
書蕩婦似訴飄流

才人同感



曲游春

郊外探春作

言二

才

一水仙源曲被柳條遮斷千縷婀娜有約前褰怪逢伊還向重  
簾單舸出意新梳裏看鬢鬢藥黃微澹縱近來遠似天涯誰倩  
玉顏初破 禁火心情偏安伴錢蕩偷分鈿符輕墮容易斜陽  
恐穿煙鳳子尙尋珠唾波面虹橋臥恁怨咽玉簫吹過無奈淡

月籠燈翠屏恨鎖

至竟迷離

丁香結

暮春初霽用清真韻

吹落嬌雲展開早碧枝上雨殘猶隕恨流光偏迅數景物賸得  
鶯慙蝶澗小紅曾記否朝醒殢薄寒自忍可憐游舫散後空是  
蕙萼開盡 相引早餽飮陰晴花信催過幾陣曲巷幽坊柳絲

竹粉翠樓生暈謝家飄蕩紫額翹麴塵盈寸凭闌干那曲冶葉

何人摘損

太鴻思力可到清眞苦爲玉田所累

眼兒媚

一寸橫波惹春畱何止最宜秋妝殘粉薄矜嚴消盡只有溫柔  
當時底事恩恩去悔不載扁舟分明記得吹花小徑聽雨高

樓

慶清朝慢

辛丑長安元夕同王雪子金繪甫集汪西亭水部寓齋賦

埽雪鐙樓障風酒幕千門春散京華閒情似夢小歡深醉銷他  
莫趁走橋人去故園伴侶在天涯當梧有一般好月燭影初斜  
簫鼓隔牆未厭況水曹詩俊淡墨棲雅疏香共憶窗外應少

梅花從此滿城開  
細嬾催上卓金車  
心期遠  
鷓鴣邊古寺雁外  
晴沙

玉漏遲

永康病中夜雨感懷

薄游成小倦  
驚風夢雨意長牋  
短病與秋爭  
葉葉碧梧聲  
願溼  
鼓山城暗數更  
穿入溪雲千片燈  
暈翦似曾認我  
茂陵心眼  
少年不負吟邊  
幾鬢帛光陰試  
香池館歡境消  
磨盡付砌蟲微  
歎客子關情  
葉裏覓何地  
煙林疏散懷正  
遠胥濤曉喧  
楓岸

附

百字令

月夜過七里灘光景奇絕歌此調幾令眾山皆響

秋光今夜向桐江  
爲寫當年高躅  
風露皆非人世有  
自坐船頭

吹竹萬籟生山一星在水鶴夢疑重續  
筆音遙去西巖漁父初宿  
心憶沙社沈埋清狂不見使我形容獨寂寂  
冷螢三四點穿過前灣茅屋林淨藏煙峰危限月  
帆影搖空綠隨風飄蕩白

雲還臥深谷

與于湖洞庭詞壯浪幽奇各極其勝

憶舊游

辛丑九月既望風日清霽喚艇自西堰橋沿秦亭法華

然如出積雪之上菴以秋雪名不虛也乃假僧榻偃仰終日  
惟聞櫂聲掠波往來使人絕去世俗營競所在向晚宿西溪  
田舍以長短句紀之

迦溪流雲去樹約風來山翦秋眉一片尋秋意是涼花散雪人  
在蘆碕楚天舊愁多少飄作鬢邊絲正浦漱蒼茫涼隨野色行  
到禪扉  
忘機情無語坐雁底焚香  
菴外絃詩又送蕭蕭響盡

平沙霜信吹上僧衣憑高一聲彈指天地入斜暉已斷隔塵喧

門前弄月漁艇歸

白石卻步

齊天樂

秋聲館賦秋聲

簾淒鐙暗眠還起清商幾處催發碎竹虛廊枯蘗淺渚不辨聲  
來何葉桐飈又接盡吹入潘郎一簪愁髮已是難聽中宵無用  
怨離別陰蟲還更切切玉窗挑錦倦驚響檐鐵漏斷高城鐘  
疏野寺遙送涼潮嗚咽微吟漸怯訝籬豆花開雨篩時節獨自  
開門滿庭都是月

詞

八歸

隱几山樓賦夕陽

初翻雁背旋催雅翼高樹半挂微暈銷凝最是登樓意常對亂

波紅蘸遠山青襯不管長亭歌欲斷漸照去鞭痕將隱想故苑  
燕麥離離滿地弄金粉何況春游乍歇花愁多少只憐黃昏  
偏近冷和帆落慘連笳起更帶孤煙斜引誤雕闌倚徧霽色明  
朝也應準無言處望中容易下卻西牆相思人老盡無垂不縮  
高陽臺

落梅

綰月唬香青禽警瘦遺環與恨俱飄雪沒鞦痕何人爲埽溪橋  
東風欲避層臺遠御風歸第一春銷惱相思枝北枝南冷夢迢  
迢山空記得吟疏影拾參差碎玉自裹冰綃朔水無聲流殘  
舊怨新嬌餘酸已在濃陰裏怕重屏半夢難描更堪他消息經  
年雨暮煙朝

說妝獨立之態

埽花游

乙巳三月二十三日客揚州空齋積雨孤愁特甚問人始知是春盡日也黯然於懷賦寄尺牘

折花汎舸又夜淺燈孤綠陰如許舊游閒阻聽檐聲壓酒醉醒無據落魄多愁尙記羅囊雁柱向南浦訝楊柳今朝鬢瘦慵舞

行徧深院宇已負了春來忍教春去笑人易誤似山中枕石

頓忘時序小檻櫻桃更憶西園勝聚寄情處畫當年滿湖煙雨

蕙蘭芳

乾隆丙辰秋七月十日行鄭城道上殘暑猶熾夾道楊柳依依暫有慰於逆旅子自庚子冬經此已十七年爾時樹猶未種也江潭憔悴之感在人更有甚於樹者賦此關書旗亭壁

塵沁短衣話前事倦塗亭午向畏景新秋官柳自垂萬縷繫人

舊感問翠黛那時何處等再來瞥見付與巖網鈴語紛絮吹

簾柔枝縈扇擁髻曾訴念好箇江南爭似路旁低舞少年容易

鬢霜早聚顚顚多長夢盡橋煙浦關山失路觸緒可憐與登車

詞詩我亦譬如騎竹日所思人本不曾來彼教所謂轉語

聲聲慢 停琴仕女圖

簾垂有影院靜無聲誰家待月闌千雨點深顰分付次第眉山

蟬娟薄妝乍脫便低鬟更自幽妍心事遠看轉將瑤軫尙怯春

寒 只有梅花知得愛香生絃外韻在絲前小立徘徊何教流

響空煙人閒尙留粉本不愁他輕誤華年凝望處想參橫依約

未眠如此方是清

填詞至太鴻真可分中仙夢窗之席世人爭賞其餽飭羸弱

之作所謂微之識賦硃也樂府補題別有懷抱後來巧構

形似之言漸忘古意竹垞樊榭不得辭其過浙派爲人詬

病由其以姜張爲止境而又不能如白石之麗玉田之潤錄



1992

踏莎行

工於著句

新綠風雨庵分賦

采香怎定被夜來風雨芳林洗淨嫩葉柔柯漸覺森沈裝點更  
饒幽景輕絲微潤蒙茸碧卻小院蘚痕交映一年此最佳時念  
卻落花淒冷 休道尋春較晚趁初霽步屨閒園支徑幾樹榆

槐幾本蕉桐依約翠雲千頃紅樓已怕珠簾隔況又是陰陰欲  
暝怎奈他不斷鶯聲礙了倚闌人影

綠陰中有人綠陰外  
有事此賦物三昧

王慊

清平樂

海棠鋪徑人向雕闌凭映月酒容紅玉潤笑看春風鬢影 更

深碧瓦煙昏垂簾花影移痕貪把玉琴頻理繡衾香冷重溫

雨濛煙暝又是清明近零落杏花渾欲盡時節綠窗人靜 含

情獨上西樓珠簾半卷銀鈎縱有千絲楊柳能藏幾許春愁

森  
疎

毛健

疏影

秦簫怨咽比斷蛩孤雁還更淒絕消損東陽幾夜秋風瘦到詩  
魂花骨鐙昏香燼幽房冷半睡裏驚心暗怯怪空階寂寞無人  
誰踏檻前殘葉應是相思夢斷餘情再喚轉舊侶蝴蝶玉佩  
歸來淺倚銀屏髣髴淡雲明滅梅花小影紗窗下恨只恨角聲  
吹徹待覓取簾外幽蹤已逐曉風殘月翫其斷續之妙

王嵩

滿庭芳

中酒心情落燈天氣淒清易到黃昏暗尋殘夢獨自啟重門依  
舊曲闌人影還空記玉色香痕凝情處竹聲風韻彷彿墜釵聞  
消魂思往事分香小院待月清尊並蒼苔立處摺摺羅裊誰

道僊衣化蝶空餘下一片苔紋惆悵殺好天良夜餘恨隔前塵  
野雲孤飛去留無  
迹妙在語言之外

陸天錫

探春

秋樓

雨過梁空雲飛窗冷秋心高處聊遣戍鼓飄風秦簫咽月併送  
涼聲一片洵美非吾土謾贏得離愁難翦不如盡卷湘簾放他  
歸去雙燕遙憶穿鍼興淺垂玉手倚闌天遠人遠墮葉吹檐  
餘花近檻猶是陌頭春怨爲問樓中錦可寄與南來鴻便獨倚  
寒江笛聲吹上天半

王太岳

憶秦娥

愁如織長廊一望青蕪色青蕪色一春風雨更無朝夕兒家  
舊住紅樓北玳梁海燕曾相識曾相識也應難認向來傾國  
人如削殘魂剩影難安著難安著亂雅聲裏暮雲樓閣閒處  
思量忙處錯西園枉記春前約春前約而今已是桂花零落同  
隱軫騷辨之遺

張四科

蓮陂塘

秋荷

問江南西風消息銀塘花事如許霞衣蔥袂渾無恙但覺不勝  
風露如解語道自是玉容不受人閒暑涼汀淡淨正淨展雲匳

倒窺天鏡未省怨遲暮 鴛鴦夢漸化零煙斷雨冷香猶上詩  
句涉江何限騷人意似否舊時修禊淩枉渚便傾蓋相逢早是  
違芳序誰家擢女怕明月重來紅消翠減煙唱渺然去

火攻  
碧山

史承謙

一萼江

桃花夫人廟

楚江過舊苔痕玉座靈跡是何年香冷虛壇塵生寶曆千秋難  
釋煩冤指芳叢飄殘紅淚爲一生顏色誤嬋娟恩怨前期興亡  
聞夢回首淒然 似此傷心能幾嘆詩人一例輕薄流傳雨颯  
雲昏無言有恨凭闌罷鼓神絃更休題章臺何處伴湘波花木  
暗隄鴉悵悵明璫翠羽斷礎荒煙

加倍法

吳泰來

賣花聲

滬城旅思

風雨送扁舟回首紅樓傷春傷別幾時休昨夜濃香今夜夢都  
是離愁楊柳小灣頭煙水悠悠歸心空望白蘋洲只有春江  
知我意依舊東流

蔣士銓心餘銅絃詞

長亭怨慢

箇儂

畫檐上蟾鉤皎潔也似揚州二分明月玉臂清輝卷簾同坐半  
窗雪憑肩私語無那箇儂癡絕問河畔雙星可眞箇年年歡喜  
離別笑多情誤我耐盡燈花磨折循牆對影算名士傾城相

悅縱然教四角生輪銷不去天涯雙轍且看你晚風吹鬢閒愁

休說

詩人此興

水調歌頭

舟次感成

偶爲其命鳥都是可憐蟲淚與秋河相似點點注天東十載樓中新婦九載天涯夫婿首已似飛蓬年光愁病裏心緒別離中詠春蠶疑夏雁泣秋蛩幾見珠圍翠繞含笑坐東風聞道十分消瘦爲我兩番磨折辛苦念梁鴻誰知千里夜各對一燈紅

生氣遠出善學坡仙

賀新涼

再疊韻東心齋鮑齋

水鳥愁鐘鼓問何如猩猩鸚鵡皆能言語燕子顛當誰高下一



樣傷人門戶孤雁把更籌細數蠶蜜繭絲因何事轉香丸只有  
蛻蝦許蟬吸露太清苦百蟲墮戶爭銜土費商量虎威狐假  
鵲巢鳩主胡蝶飛飛迷香國心死那家園墅脫毛羽號寒艱  
不若蜉蝣衣裳美海茫茫精衛思填補一聲鶴渺然去源出山谷演雅  
儲祕書

蝶戀花

乍減羅衣寒未褪殢酒迷香又是年時病午院風柔輕醉醒隔  
花燕語朦朧聽往事千端聞記省獨上高樓望斷天涯信細  
雨亂紅飄欲盡卷簾惟有春陰近天際乍輕陰

趙文哲

倦尋芳 送春

柳遮翠館花落紅亭催老芳序滿目江山何處送春歸夫漫惜  
侵簾鶯語滑可憐隔浦鶻唳苦最銷魂是斜陽欲下一庭疏雨  
悵往事都如流水人面重門佳約無據繫馬踟躕不記舊時  
芳樹青子綠陰空自好年年總被東風誤只多情燕歸來畫梁

愁訴

態禮  
意遠

鄭雲

齊天樂

歲晚寄懷

鴈風吹送燕南雪天涯坐驚孤抱瘦沈香輕愁潘鬢減目斷青  
山斜照殘年遠道記亂葉隨鞭輭塵吹帽賦罷銷魂別腸如繭

萬絲繞 妝樓幾回夢好寶釵頻卜夜應令歸早酒市清笳江  
城暮笛一種人間悽調鄉書細草問開到梅花月明多少有約  
看春翠煙宮樹繞森峻  
威夷

水龍吟

蘆花

幾番風信吹寒絮雲秋帶回潮卷汀遙港曲草枯沙淨波平天  
遠冷伴鷗眠閒邀鷺立隔江千點記吳楓落盡楚蘋開後蕭蕭  
也斜陽岸 吹亂涼煙一片近黃昏斷鴻歸晚漁歌漸起月明  
何處機船清淺還怕飛來野橋衰柳誤人春怨奈天涯倦旅相  
看鬢色早霜華滿

林薺鍾

清平樂

晚妝初就爐篆消閒畫冷落夕陽疏雨後花影一簾紅瘦低  
鬟無語盈盈畫羅涼意微生爲問翠陰孤蝶近來多少春情  
翠禽飛盡煙入疏簾暝曲曲屏山閒小景望裏江南遠近殘  
花飄落金尊樓頭暮雨黃昏一片綠陰芳草春歸如夢無痕

古淡

玉樓春

羅幃小障殘寒淺訴到深情鶯語輓城邊風約角聲來窗外月  
和花影轉相逢暫遣愁蛾展惜別每嫌銀燭短今宵有酒爲  
君斟明日畫橋春共遠

微詞可悟

探春慢

送陶淨菴歸

潮落沙平水回岸曲新愁都入南浦草色分涼蘋香吹晚秋滿  
畫橈移處日暮鄉心急料殘夢寒飈隨去相思立盡河橋夕陽  
還在高樹長恨相如游倦奈水色山光佳約偏阻寶瑟聲淒  
古琴塵滿君去不堪重撫次第探芳信謾冷落故人尊俎甚日  
相逢一蓑湖上煙雨蕭條  
溫厚  
珍珠簾石湖爲白石老仙游衍地也秋夜泊舟有感而作

暮帆微覺西風勁正閒看幾處疏林殘暝秋色畫橋邊引十年  
游興柳外新蟾涼意淺早澹了碧溪雲影人靜愛入櫂蘋香翠  
痕千頃重問舊日詞仙有花飛玉笛雪依孤艇零落翠尊空

幾月圓如鏡今夜湖光留我住但夢與閒漚俱冷還省又隔院

飄來一聲清磬

清絕  
酒酒

南浦

題范青照蒼茫獨立圖

薄霧散愁陰愛清游池閣霽痕初曉殘葉下西風芳隄外一徑  
冷煙未埽微茫遠渚參差幾點賓鴻小回首碧天空闊處好景  
偏憐秋老此時獨立蒼茫想杜陵老去吟悵頻惱有幾古今  
愁凝淚眼彈與露花霜艸蒼苔踏徧斜川徑僻無人到最是  
多情留客住一片疏林殘照

大筆壓梓土  
衡所謂警策

梅子黃梅雨

江邊觀人送別愴然賦之

題本唐人入詞自佳

殘葉離亭正臨別黯然聊共尊酒甚解纜滄波催人分手一片

愁痕空極浦半江暝色迷寒岫孤村口落葉晚蟬尙抱疏柳  
偏負歌雲舞繡漸傷心望到幾處亭喉笑我亦飄零淚痕盈袖  
涼意尙餘花影外月明空照人歸後重回首玉闌夜寒依舊未  
空際盤旋而婉約有  
晚唐人絕句意思

沈起鳳

玉蝴蝶 攬秀亭錄別

涼意乍歸庭樹西風葉底說與衰蟬野色閒門斜陽卻照離筵  
楚天遙亂雲如夢謝池曉秋草如煙想依然酒邊風月笛裏山  
川堪憐幽花謝也又看黃葉起舞尊前江冷丹楓勸君且駐  
木蘭船青衫雨今朝別淚紅橋月後夜閒眠怕無端愁縈錦瑟

損盡華年

猶有古服  
勁裝之意

黃景仁仲則竹眠詞

醜奴兒慢

日日登樓一換一番春色者似卷如流春日誰道遲遲一片野  
風吹艸艸背白煙飛積牆左側小桃放了沒箇人知 嫣然一  
笑分明記得三五年時是何人挑將竹淚粘上空枝請試低頭  
影兒憔悴浸春池此閒深處是伊歸路莫惹相思

名作於  
律太疏

沈清瑞

東風第一枝

樓陰月淡巷曲花深燈火夜闌酒懷如許

火樹藏橋香塵拂馬悄悄巷陌春霽低聲私祝東風扶住俊游



濃醉杏花影裏，拚立盡空濛。月地奈沈沈，蓮漏如年，隔院玉笙初起。漫吟徧酒香紅，被空惹著一襟芳思。自憐歌散旗亭，又趁燈疏柳市。釵樓信杳，問簾隙玉人歸未。願將心寄與冰蟾，照到畫屏山底。語含比興

吳錫麒

月華清

九月望夜，被酒歸來，明月在窗，清寒特甚，新愁舊夢，俱觸於懷，因賦此解。

雅影偎煙，蛩機絮月月，和人共歸去。愁滿青衫，怕有琵琶難訴。想玉闌吹老，苔花枉闌卻，扇邊眉嫵。延佇漸響餘落葉，冷搖鐙戶。不怨美人遲暮，怨水遠山遙，夢來都阻。翠被香消，莫話青鸞前度。賸醉魂一片，迷離繞不了，天涯紅樹。誰語正高樓橫笛。

數聲清苦

望湘人 春陰

慣畱寒弄暝非雨非晴誤拋多少春色半帶閒愁半迷歸夢黯黯  
黯靡蕪空碧閣處雲濃禁餘煙重欲移無力最晚來如雪東園  
一樹梨花明白孤負餞簫巷陌已清明時過嬾攜游屐只潤  
偏熏爐約略故香畱得天涯燕子問伊來也可有斜陽信息聽

傷人半晌呢喃似怨暮雲簾隙

迷離悵快  
若近若遠

祭酒名德清才矜式後起詩規漁洋詞學  
樊榭可云正宗而骨脆才弱成就甚小

淩廷堪

摸魚兒

雨後江上晚眺

莫天空乍收涼雨隔江飛過清冷煙鬟綽約山容潔埽得雨蛾  
幽靚無限景縱倩取鏤冰琢雪應難詠斜陽未暝見別浦殘荷  
迴汀折蓼都作澹紅影江光遠蹙起鞞紋萬頃微風卻好初  
定盈盈十五吳娃小笑與碧波相映嬌妒性有意要驚他沙上  
鴛鴦醒翠裘半整便急打蘭橈空明擊碎搖過采菱艇奇情  
蹴起

李方湛

齊天樂

雁

燕歸換得哀鴻到聲聲訴他憔悴飛斷湘雲叫殘塞月蹤跡年  
年孤寄寒蘆敗葦怪影落圓沙極天煙水倦羽纔停數聲漁唱  
又驚起相思苦難說似但長空宛轉書箇人字旅館燈昏寒

聞漏永同是夢魂千里飄零身世任石闕嘗銜那能無淚倚徧  
江樓玉筍愁再理精警

篋中詞

金壇馮煦參校